

墓表 墓志銘

徐知州墓表

成化十五年荆門州父老詣闕奏前知州徐泰憂制且終
 願昇復本州以終惠斯民者詔下吏部從其請君既之任
 治事未幾疾作以其年十月二十四日卒享年五十一既
 返柩于鄉將以又明年十二月二十一日葬于無錫界馬
 鎮邨福昌里之原其兄中書舍人惟正以書來曰頤失吾
 弟不幸甚矣惟吾弟有二子元穀元菽皆幼未領人事凡
 經紀喪事非吾誰為之治茲既畧備矣惟墓上之石當得

謙齋文集

卷六

墓表

一

文詞以垂示後人非執事又誰宜為之敢以下戶部華伯
 之狀來請予與君交三十年知契最深非特以鄉里之故
 而已於誼實宜書乃不復辭君諱泰初字士亨後更大同
 白生其別號也幼而穎異既長入縣覺從經師習尚書益
 好學不以家用饒而喪志嘗舉于鄉不利以貢入太學得
 與天下之士游而謙厚若無能者大司成甚優禮之當景
 泰丙子歲順天府行鄉舉吉水劉文介公主試得君文奇
 之擢第一時有忿子之不預者言于朝謂所司去取士失
 當且謂君出富室殆有私也宜復試大臣持正者以為不
 可特試五經魁於內閣君文詞義燦然無忝為解言者始



慙而名益彰於時矣後試春官在中列比剝卷主司見君姓名以嫌竟不取久之歷正臺憲例選通法律者授御史君在優等復以謙退授黃之羅田令六年政績大著遂擢知荆門州在羅田時爲政專察民隱不拘拘簿書之末教民務農凡無牛種者官給與之值歲大祲悉發義倉積粟以賑饑民有尫羸不能行者則隨所居作餽粥食之鄰邑來乞食者亦不拒一時賴以活者甚多更招徠逋逃復業者則蠲其役仍給官田使耕而食其入公暇數出存問疾苦隱然有古循吏風邑人嫁娶論財故多不以時始下令禁之有戶將絕而出繼他戶者官爲出錢贖還其家富民買田多隱稅廉其弊發之貧者始免催徵之累黃屬邑凡七民相率走藩臬請得君守郡疏上未報適荆門守闕遂補之荆門之政大率如羅田其俗頗難治君禁令嚴明民不敢犯會夷陵有疑獄巡撫大臣檄君往讞疑遂釋人尤稱之前後兩任數興廢舉墜而學校之士多所造就所得公錢悉市粟以儲義倉其廉名又人所難及者是以去任民爭輓畱之旣沒尤思慕之不忘君爲人孝友居父母喪能哀治葬必厚兄有疾輒宿禱于神以祈祐終夕不成寐弟坤幼延嚴師誨于塾冀必成立家雖饒裕見族有服用侈靡者必深戒之而人以患難貧窶告則惻然周給不以

財力計也君常之江陰人曾祖均平有隱德祖本中國初
以人材徵卒而旌其墓曰義民父景南義聲尤著以出粟
賑饑受官蓋徐氏之積德非一世矣至是乃得君兄弟然
君官止下大夫君之壽甫入中歲報施之道茫然莫考也
夫禾之有種種之先而獲之緩獲之緩而收必多世德之
家蓋亦類此然則徐氏後人其復有與者乎因錄其事行
之概表于墓以俟

謙齋文錄

卷六

墓表

三

贈徵仕郎張君墓表

府君旣沒之十六年其子欽虎賁左衛經歷三載考最蒙
恩贈府君如其官階徵仕郎母馬氏爲孺人於是欽泣而
念曰朝廷不遺下臣施及恩典吾父母不幸皆不及見痛
恨何可言吾將致其事歸守先墓謹錄敕詞療之以告于
地下顧惟墓上之石尙無文以刻又何以發潛德昭慈訓
而見寵光之來之有自耶乃奉山東參政張克謙之狀晉
謁再拜而請予與張少相知而經歷君又邑人也不能辭
取其狀視之語皆不誣按狀府君諱亨字嘉會世家宜興
爲宋參知政事璠之後自曾大父國用而上居邑之橋亭

謙齋文錄

卷六

墓表

四

里人稱橋亭張氏國用仕元爲鷹坊提領生廣德州學正
茂卿茂卿以族大遷今所居曰張渚是生師賢師賢生愈
高愈高生致遠致遠生三子伯曰本彝季曰伯常其仲爲
府君府君生而純雅稍長從仲父致和學致和嘗爲信豐
令剛毅方正教導有法臨諸子甚嚴獨愛府君由其孝友
明順不煩束約也正統間大臣有奉敕循行江南主斷繫
豪民一時健訟者蜂起或訟其考翁事連信豐竝被收逮
至京師府君於時極力營救往返道路數冒艱厄不自卹
也其事卒白人皆稱爲能子其平居父母之側溫然無違
禮母周氏沒事繼母黃氏孝養不替兄弟相處怡怡如也

雖衣服飲食無弗共者及推以待諸從昆弟子姓以及媼戚朋友皆爲篤於恩義雖僮僕無不善遇之以至人有急難周之不吝其事不能枚述嘗客金陵同舍人遺金數斤獲之弗啓竟迹其人還之其人出半以謝拒之毫釐不受又嘗獲鹽引於道坐候其人少頃有泣者至則一富商奴所遺卽與之奴謝曰非公吾必死主人之手感拜而去鄉有寡人缺食而質其屋旣給之粟而使復居之如故曰俟歲稔償我未晚吾不忍汝飽而無居也鄉舊產茶四方來鬻者必實其直奴輩有不豫者曰若欺心而增減之吾豈可爲哉因之以戒諸子姪凡息錢租粟之入宜寬貸而勿

謙齋文錄

卷六

墓表

五

斂怨如此庶家門可保而久也有司屢役掌鄉稅不事培克歲饑更出粟數百斛以助賑濟郡縣欲例授章服則辭曰吾安於韋布久矣敢冒圖榮顯耶邑大夫歲舉鄉飲禮請爲賓至再卽辭謝不出教子居京秩雖不獲生受封命然人間之福安享已備可謂無憾於世者矣府君晚號真率翁壽八十有四以成化七年某月某日終於正寢後某月某日其配馬孺人亦卒壽八十二孺人出同里士族少有淑行及歸於張婦道母儀皆有可稱以卒之某年某月某日合葬于南華山之原子男四人曰原曰思皆克家曰欽卽經歷君曰銓女二人長女適義官吳佐次適士人蔣

听孫男八人女四人曾孫男五人夫德之優者不近名以
爲高足以轉移乎風俗產之厚者能散財而益富足以庇
覆乎鄉閭觀於府君可以概見爲張氏後人者尙嗣其仁
於百世之下使君子之澤無有窮也噫此固府君之意也

謙齋文錄

卷六 墓表

六



於百世之下使君子之澤無有窮也噫此固府君之意也
曾孫男八人女四人曾孫男五人夫德之優者不近名以
爲高足以轉移乎風俗產之厚者能散財而益富足以庇
覆乎鄉閭觀於府君可以概見爲張氏後人者尙嗣其仁
於百世之下使君子之澤無有窮也噫此固府君之意也

永寧州吏目贈行人司司正楊君暨配熊孺人墓表
成化辛丑新都楊春登進士第旣而念其母老歸養於家
居數年其母益康健促使入朝乃授行人司司正初考最
以例贈其父如其官母封太孺人踰年太孺人沒春將歸
葬詣子泣且告曰先君平生官不稱德而卒葬久矣今吾
母復不幸而春繫官于茲不得躬治斂具心竊痛恨惟墓
之文乞憐而畀之敢以所爲狀上予與春有斯文之雅且
感其言不能拒也按狀楊之先本楚人在元嘗爲武官後
避亂於蜀因爲新都人有諱賢者贅於李遂冒其姓賢生
壽山娶某氏生君諱文字美玉少溫恭謹飭舉業之暇尤

謙齋文錄

卷六

墓表

七

喜攻書由鄉校貢入太學以家貧乞仕遠方得永寧州吏
目永寧在貴州蠻夷中君安之不以爲事日治公事有不
便民者輒私告其長吏除之後夷民知其出於君也皆感
悅或來稱謝君辭避不敢當推之長吏吏復賢之久而上
官浸知其才凡旁郡事有不治者屬之君輒治嘗督工役
築磨泥普施二城費省而堅完至今人稱之州有棄地數
百里與水西夷田相接其會以官無圖籍私致白金千兩
欲得其地君適攝州事拒不納曰吾官雖卑然亦守土之
臣也地爲王土可以私與人耶他日長吏竟利其金與之
君每以爲恨景泰癸酉九月八日以疾卒于官享年六十

三葬本邑某山之原君初娶郭氏繼某氏再繼熊氏則春之母也方君游太學時熊氏家居熊自爲衣食計而節縮日用以資給其夫迨從居永寧奉養旣豐亦不肯妄費一錢後其夫與郭氏二子相繼卒負遺骸歸葬備歷艱苦所過地必號呼亾者告之從行男女數輩雖旅次倉卒皆有區別旣歸顧家尤貧遣春就學脫簪珥以助其費以其夫遺命令復姓楊氏初目眊已數年及見春授官與其孫廷和再登進士第目豁然復明年八十二以弘治壬子二月二十一日卒祔葬墓右子男五人其二曰遠曰政郭出俱先卒其三曰春曰惠曰哲熊出女二人亦郭出長適翟贊謙齋文錄

卷六

墓表

八

次適鄉進士單麟孫男十人長卽廷和翰林院侍讀女十三曾孫男五人子嘗讀歐陽文忠公隴岡阡表載其父崇公存心之仁及其母夫人誨言之善竊嘆公之所以顯於世者維其文章德業見重於時亦其先德深厚有以致之所謂其來有自者也今觀楊府君與熊孺人之事其殆類此故其子若孫列官于朝漸至通顯亦足以驗其先德也予以是表之

林勿齋先生墓表

先生姓林氏諱智字若濬別號勿齋系出唐邵州刺史蘊之後世居閩之莆田曾祖崇寶父德如皆隱居不仕先生生二年母陳氏沒又五年德如翁亦沒賴繼母鄭氏撫而鞠之稍長出從里儒授尙書習舉子業尋補縣學生正統甲子中福建鄉試戊辰會試中乙榜授宜興縣訓導至則嚴立教條示諸生以讀書作文之法俾各有所依循晨必衣冠張燭坐堂上朗誦經書已而取古法書臨摹至數百字手倦則復誦讀以倡諸生日以爲常雖祁寒盛暑不懈諸生亦各修勉士習爲之一變大有補於學校秩滿陞銅

謙齋文錄

卷六

墓表

九

梁教諭未幾丁母憂服竣復除宜興舊德先生之教者踴躍趨迎及士宦子弟悅從者數十輩大肆講學文教聿興提學御史陳選舉先生自代吏部雖不能用謁選之日遂陞縣令先生謂人曰當道宜用人所長某將老矣安能舍詩書而事簿書哉博一教官終身足矣崑山葉文莊公時爲吏部侍郎知之擢蘇州府教授先生至蘇學其教法無異宜興時諸生始若不能堪久之服其化益親愛之致有身爲顯官而追念不舍者先生前後爲校官幾三十年皆在江南而四方縉紳多聞之故每當大比之年藩省爭先禮聘爲主司考浙江者一江西者再凡所取多知名士稱

爲有識鑒云先生性至孝常痛父母早世每春秋時節祭祀嗚咽流涕者竟日祖祠舊卑隘撤而新之增祀田若干畝婦翁趙立沒而無嗣爲之經紀其喪得免暴露甥陳元幼孤攜之官教育之與諸子等既長復爲之娶婦乃遣之歸其他周貧睦族重信義事多類此生宣德丁酉六月十日以弘治甲寅正月五日卒享年七十有八以某年某月某日葬某山之原娶趙氏子男八人曰巒岳密岳罄岫岫崑巒早卒孫男女二十七人曾孫四人嗚呼德足以模楷乎後生學足以追蹤乎曩哲時際熙朝未獲一遇爲多士稱作人之慶以黼黻明廷知我終希希古今同慨矣然先生

謙齋文錄

卷六

墓表

十

之德之學莆人知之蘇人知之子立興之人知之豈待表而後見第九州之大四海之遠不可以莆與蘇與立興概也而能盡知先生之德先生之學乎況傳之千百載之久又有可恃者乎是固門下士所宜憫而憂之急而請之者某于門下受教爲最先惜先生之不遇于時而懼先生之遂泯泯于後也故特爲之表而不讓焉

曹母徐孺人墓表

嘉興有名族曰曹氏曹氏有賢配曰徐孺人諱秀澄同郡嘉善儒家女也父曰文玉母曰陸氏以永樂甲申四月四日生孺人既笄歸于曹爲以東府君之配孺人自幼端重寡言笑在父母旁循禮度而孝敬不倦及爲婦事以東能執婦道性尤勤儉恆率諸婢晝夜紡績不以爲勞家人化之諸刺繡纖巧之作皆愧縮不敢出視生子瓊教之甚嚴瓊奉母教居鄉慎行務農生殖稱克家子其後產業日盛食指日繁孺人卒不習侈靡事及以東歿寡居五十年布素終身未嘗更一新衣其勤儉自若也有孫曰山早失母

謙齋文錄

卷六

墓表

七

孺人憐其幼躬自鞠育雖甚愛之然教之益嚴俟其既長俾學于家塾日必考其課業或書不成誦則聲色俱厲不少爲容貸平生不喜尼媪有登門者輒麾之去曰無壞我門法其正如此孺人好施不吝凡鄉里之貧無食死無葬者必命其子周卹之歲饑視人親疎悉以次賑給之食其惠者甚衆及其子沒至山益好施與士大夫交游益廣而曹氏之名籍籍起浙西謂其世範固遠蓋亦有孺人之教焉孺人既老山奉養備至年九十三而卒實弘治乙卯九月九日也子一人卽瓊承事郎娶陸氏孫一卽山以中書舍人娶錢氏四川按察使博之女曾孫男六人嵩邑庠生

峯岩崙巖卜以丁巳十月二十四日葬邑之柳溪合夫
 兆也山持狀赴京師詣子泣拜曰山非祖母鞠育無以至
 今日所以不遠數千里躬造門下以請者惟欲得一言表
 于墓上以彰吾祖母平日恭孝慈節之美則泉下永有光
 矣予感而言曰昔人有言婦者家之所由盛衰也故中饋
 之吉著于家人厲階之害見於大雅其事不誣往往可驗
 則曹氏之盛孰謂其無然哉宜刻之以慰山之志以示諸
 來裔

謙齋文錄

卷六

墓表

山持狀赴京師詣子泣拜曰山非祖母鞠育無以至
 今日所以不遠數千里躬造門下以請者惟欲得一言表
 于墓上以彰吾祖母平日恭孝慈節之美則泉下永有光
 矣予感而言曰昔人有言婦者家之所由盛衰也故中饋
 之吉著于家人厲階之害見於大雅其事不誣往往可驗
 則曹氏之盛孰謂其無然哉宜刻之以慰山之志以示諸
 來裔

封山西道監察御史何公墓表

都察院右副都御史何君鑑嘗知吾宜興予重其爲人因聞其家世之舊庭訓之善得厥考樸菴公之賢公旣卒鑑奉工部左侍郎徐公貫所爲狀請予文表於墓道之石乃撫而書之何之先本青州人五代時有曰茂者仕吳越爲節度使卒于紹興之新昌子孫因家焉代有仕者曾祖諱友諒國朝爲訓導祖諱遵道考諱彥廣皆隱於鄉公孝友信義出於天性甫弱冠卽代理家政力田供養奉時祀館賓客婚嫁弟妹皆不以煩其父後當分異父念其勞欲多與之公獨取瘠田敝屋悉以器物讓諸弟母愛少女旣嫁

謙齋文錄

卷六

墓表

三

公猶析產與之父母疾公不去左右至顛天請代居喪毀瘠葬祭皆如禮尤重意氣閒遊京師里人有以白金數十兩託公有所營置道爲賊所劫公爲貸金終其事而還過杭得遺金一囊于道俟其人而還之歲饑里人乏食捐粟濟之有借公馬者斃而償以價公慰遣之而不責旅次寧海開戶而臥有虎當門耽視久之搖尾而去園有瓜二實一蒂人稱瑞之以爲陰德所致公教子有法鑑舉進士知宜興時遣使迎養公以親在不果行常書清慎勤三語爲戒鑑爲御史復勉以許身報國後被封爲文林郎山西道監察御史知河南府時公已終制乃就養無何值大饑人

相食乃歸命鑑悉心賑救以全民命及鑑爲都御史巡撫
南畿又戒之加詳焉故鑑所至有聲績在兩畿尤卓卓可
稱者皆公教也然則公之賢使身得一職任一事以自用
於世其裨補豈小哉公以齒德當爲鄉飲賓辭不赴沒而
葬于鄉則爲之刻石著德以示後之子弟禮亦宐之非徒
爲孝子之私而已公生于永樂己亥六月初九日卒于弘
治乙卯正月初二日壽七十七以丙辰年某月某日葬于
某山之原配呂氏賢而克相封孺人子二長卽鑑次鉢女
一適劉演

謙齋文錄

卷六

墓表

十四



某山之原配呂氏賢而克相封孺人子二長卽鑑次鉢女
一適劉演
謙齋文錄卷六墓表十四

桂陽同知楊君墓表

楊世出漢太尉震唐季徙家閩之浦城又徙建安入國朝自故少師贈特進光祿大夫左柱國太師文敏公以高文絕識弼亮四朝功施社稷勒於鼎彝號稱名臣垂休襲社奕世有人而楊氏遂爲仕族之冠君諱仕做字敬甫贈少師工部尚書兼謹身殿大學士諱伯成之曾孫文敏公之孫貞靜先生諱錫之子也少習家學以詩經中天順己卯福建鄉試禮部弗第卒業太學聞見滋廣聲名籍甚六館諸生咸推讓之再試不中乃以蔭授中書舍人三年坐從子暈累謫廣東衛經歷六載考最竟歸臥于家闢一室左謙齋文錄

卷六

墓表

五

右圖史寢處其中日繙閱不厭暇則課子孫讀書種桑棗藝蔬果於世途聲利漠如也弘治改元詔起沈滯吏部知君謫非其罪特以桂陽州同知奏起之檄至君嘆曰吾老矣憊矣安能復與時輩追逐耶竟不起弘治九年六月十有九日以疾卒年六十娶江氏某參政之女子二易鄉貢進士暹治舉子業孫男二女一卒之明年三月二十日葬邑之登仙里劉墩之原君偉貌疏髯氣岸軒揭平居恂恂簡重而臨事能卓然樹立其在衛幕秩雖卑能搜剔奸蠹有怙勢者必以法裁之吏士竦服生長綺紈不爲奢靡華麗之飾聞人有異書則購之不惜重價所錄自唐宋以及

國朝諸子百家凡數千卷皆手自校讐近世稱藏書之富者殆莫加焉且長於鑒賞法書名畫一見卽能定真贋或有書淫畫癖之謂君笑曰視寶異物者何如哉尤尚行義赴人之急如不及其在京師士大夫之賢而貧者每取給焉弟仕儀蚤夭有遺腹子且撫且誨愛如己出今考功員外郎旦也成化閒君數過子閒論古今事亶亶不竭子心獨偉之謂如君者非獨爲閭產之傑也於乎以文敏之勳蓋所謂猶將十世宥者而君一從吏議擯外十餘年其從弟仕偉才譽相上下亦坐是累謫以死是孰爲之耶世嘗謂天之於才必愛惜而培植之其果如此耶予與君善喜其好古篤學重其行義惜其不遇於時而懼其遂泯沒於後也故爲表於墓以告後之人尚勿毀哉

謙齋文錄

卷六

墓表

六

承事郎周惟詹墓誌銘

吾郡之江陰稱大家必曰顧山周氏周世有令德至孟敬甫益以樂善敦義著聲于時景泰間不幸爲訐者所訟而其子拱謫戍雲中卽惟詹也惟詹生富家年少未更事遭罹家難子子趨邊陲執戍役而雲又苦寒地其官長念其家素務善厚撫之前御史吳秦亦戍雲中惟詹奉贄幣師事之往來咨問日漸月積學益進而智益明久之遂執筆從事大將軍幕下大將軍加禮焉如是者蓋六七年始蒙恩宥南歸歸則父兄已沒獨其母蔣孺人在堂無恙惟詹念先業之至於斯也痛自刻厲措置規畫窮日夜廢者與墜者舉不數年田廬產業悉復于舊先是其母以孟敬甫下世惟詹又在遠方未還悲泣無寧日及承朝廷拔拭之恩骨肉來歸家跌復振感激之餘繼之以泣歲時子婦上壽亦頗爲之盡歡母患痿痺久在牀蓐惟詹左右扶持侍藥食不去側獨以父不逮養飲恨終身成化某年東南饑有納粟授官之令惟詹曰此吾志也敢不率承輸粟若干石于官得承事郎階七品惟詹自幼服習家教讀書不煩程督其師崑山張節之甚愛之及壯涉歷旣深孝友恭儉卒亢其宗雖其先澤未泯要亦惟詹能自樹立不誣也其軀榦偉碩得脾濕之證以服母喪過哀病二載竟卒實成

化十四年四月甲子春秋四十有九以十五年十一月甲子葬于某山之陽新塋曾祖伯源祖宗苑及孟敬甫俱以輸粟旌門有孝義之褒娶趙氏子二祥熊祥驥女一許聘夏元正初葉侍郎與中自宣府還朝嘗爲予言惟詹處憂患能恭謹飭厲其志欲蓋前人之愆可知矣又見所作聽雪軒記愛助之意惓惓焉予因喜惟詹受知前輩將來顯達不但已也豈意不得其壽而遂卒悲夫其子來乞葬銘乃考知州徐士亨狀序而銘之銘曰絜顧山西曰周氏肇啓厥宗宋學諭華聲茂實代有繼播越弗寧值元季有來自蘇際隆治務農敦善家日大窮周匱卹昭惠施烏頭綽謙齋文錄

卷六 墓銘

六

挾旌孝義煌煌璽書天日麗樹之風聲無遠邇何物無良思懺伎將泰之極否斯至辟彼阨危器安置湛恩汪濊匪幸致積善有報宐不匱嗟承事君得憑藉旣蹶復起天所賜胡壽弗延奄長逝新墳峩峩終古闕我銘刻諸詔來世

通議大夫南京刑部右侍郎金公墓誌銘

南京刑部右侍郎金公旣卒之三月其子麒壽走闕下言先臣歷事三十年官至三品今不幸沒矣冀得卹典以賁諸幽朝廷念之爲遣官諭祭仍命有司治葬皆如制至是復以葬宐得銘奉尹吏部正言之狀泣請于予公予之同年友也又嘗以庶吉士同在翰林斯文之好已久所以稱述其平生以慰乎存歿者固不得而辭也公諱紳字縉卿其先錢塘人元有諱仲實者隱居養志子銘國初以閩右遷實南京始占籍上元縣銘生元亮再世不仕元亮生潤以兵部司務出知南安府致仕進階中議大夫贊治尹生

謙齋文錄

卷六

墓銘

九

公公幼有奇質南安公教之甚篤學業益進景泰癸酉中應天府鄉試明年登進士第由庶吉士授刑科給事中踰年英宗皇帝復位銳意求治公適掌科數召對所以寵待者至厚上嘗謂一二十大臣晡時趣具彈文公援筆而就詞甚切當上覽而悅之方有意畱用會晏駕弗果甲申今上嗣位進都給事中首率同列論都指揮門達竊弄威柄罪繼會議廷中言都御史王竑剛毅直諫可任大事宐亟召用一時達被遠謫而竑起爲兵部尚書與有力焉公於是益以言責自盡嘗陳時政八事一持恆久以守新政二勤接見以論治道三納忠言以致躬行四求賢才以備任使

五擇重臣以備邊患六明黜陟以儆在位七設武學以育將才八用武勇以除寇盜疏入悉見采納成化乙酉遣祀徐王滁陽王還時兩京浙江河南水旱相仍漕舟不通患不可虞公言事宜數條用之未幾京師米價竟減而緣河盜皆散去朝廷知公才果可用遂擢南京大理寺左少卿南京爲公鄉里公先謝絕私謁而訊鞠明敏獄囚多所平反凡十年譽望益盛乃有右侍郎之命公持法益謹每戒其屬曰民易犯法於無可矜疑者尤宜盡心且數躬視囚獄以故囚少瘐死者戊戌江西大旱詔公往視至則先奏停力役徵收等事仍禁郡縣雖小費不得擾民俄而新昌

謙齋文錄

卷六

墓銘

二

萬載鄱陽諸縣盜發公督捕有方竟獲其首誅之因舉救荒之政始通鹽商增糶價漸而粟至及勸富民補官并折收船課皆以便宐行之已而食足全活者不可勝計歷二年還任公既久勞於外得疾卽不起時成化壬寅六月甲寅也年僅四十九以卒之明年某月某日葬某鄉之原公之祖若父累贈至同公官祖妣姚氏亦贈淑人配徐氏兵部尚書晞之孫封淑人子男三麒壽貢士麒永國子生麒寧女五人長適貢士范昌齡二適卜璽三適任守正餘幼孫男二人士賢士良公性至孝南安公致仕二十餘年左右侍養不違其志與其兄綬夫友愛尤篤自入官以簡約

持已而待其屬必厚平生好賢不倦在江西時嘗行縣過
廬山視白鹿書院傾圯特修葺之且爲正先賢祠祀至於
學問之勤不以政冗而廢惜其年止於是而不得究其志
也所著有心雪稿青鎖獻納稿江西巡視稿若干卷藏于
家銘曰維金之先自杭而遷世晦不仕發于南安南安出
守綽有政惠延及於公益昌而熾少登甲科給事禁中蹇
諤之詞見於疏封既受上知遂分甯務維茲祥刑不忝所
付時有定國世無寃民司寇之亞名位益振西行救荒萬
口待食爰推其仁以濟吾術公則已矣其惠猶存食此厚
報尚俾後人後人纍纍繼登仕籍有如弗信視此銘石

謙齋文錄

卷六

墓銘

三

陸母李太宐人墓誌銘

常州吾鄉郡也數十年來取科第登仕宦其尤盛者皆曰陸氏固其父兄之教使然亦惟助於內者有其人焉若太宐人李氏非所謂助於內者乎李爲武進名族世積善不仕至處士某娶某氏生男女若干人太宐人最長生而端重嚴整動作有常於凡紡績之事經手精絕諸女婦皆莫能及而尤務勤儉不以所能自矜是以父母愛之旣笄歸於陸爲故南樂縣儒學教諭贈南京戶部郎中諱某之配初爲婦卽以孝謹稱戶部公游邑庠例貢于京而顧其母張孺人有戀戀意太宐人趣之曰姑老矣宐速行爲祿養

謙齋文錄

卷六 墓銘

三

計公感其言上道初得奉化縣訓導乃奉其母赴任太宐人養之安焉及公陞邵武教諭適閩海盜起則請畱侍於家養之益謹或見其姑有嘆息聲輒蹶躅不安曰豈我爲婦有未至而思其子耶必致其悅乃已姑沒殯斂俱厚公歸盡哀而無悔曰使我在側弗是過也公旣起復改任南樂南樂之俗婦女惟播種樵汲是務諸生之母之妻歲時瞻拜見太宐人精於女事轉相慕習及他日扶公喪歸攀號遮送者載道觀者驚嘆旣二十年書帛之奉不絕而奉化邵武兩邑之士道經常州必登堂跪拜對之感泣眞若有母氏之愛者可謂難得也已其教諸子嚴甚自外傳歸

夜則課之每從齋外聆有書聲卽止否則於其晨省必拒使弗前凡賓友過從聞講說經史輒具酒食延款或博奕嬉戲必使人對客提其具碎之家人以爲辱客太甚則曰吾知教子耳不知彼博徒之爲客也蓋其教於內者如此迨年漸高有子四人歷見其三登進士第皆列官于朝諸孫復進士及第居近侍東宮講學其一家可爲貴顯矣方益自貶損食不必重衣不必新日無過分以爲子孫之福晚尤康健聰明能歷歷記往事族人子弟平居進見必委曲指陳前代敦樸之俗因人懲勸之或非其人則絕不與言故人嚴憚之莫敢犯者初以長子貴恩封太安人後加

謙齋文錄

卷六 墓銘

三

今封成化十九年壽登八十有六以正月十八日無疾而卒子男四人愷南京戶部郎中悌不仕怡南京工部主事愉刑部主事女二人適唐鑑孫立孫男六人簡右春坊右諭德節筮俱郡庠生篋範籌女三人曾孫男二人長舍章次翼章女四人以卒之明年某月某日祔葬于邑劉莊之原諭德君奉李駕部應禎之狀泣而請銘予與太夫人諸子若孫交久矣不辭而銘之曰職有必舉事有當爲凡人皆然匪求人知況乎女婦內行自持及其純備人卒知之維太宜人懿德令儀尚論其概曰孝與慈天與遐壽以報其施子孫振振貴顯于時何以致此內有家規劉莊之原

附藏於斯恩封再加壤樹增輝其尚有待驗此銘詩

謙齋文錄

卷六
墓銘

十四

湖廣按察司僉事張公墓誌銘

張爲吾宐興名家其先有諱槃者仕宋至金紫光祿大夫因稱所居之地金紫圩公其十一世孫也曾祖伯英祖永父元愷俱不仕元愷娶儲氏以宣德丁未七月十五日生公諱述古字信之別號吳齋幼有妙質而器識更遠其父於諸子中爲可教也遣從故進士姑蘇奚昌受易日夜誦習精勤不倦竟以景泰辛酉中應天府鄉試明年試禮部再中遂擢進士第時父母且老因乞歸得侍養于家左右承顏能順適其意暇則與邑中士友講學一時蒙指授出而取科第者若故吏部郎中邵暉輩數人家居六年而父

謙齋文錄

卷六

墓銘

三

沒喪禮克盡人以爲孝服除尤不忍離其母或勸之盍受職以被恩典爲親榮始上吏部除行人三年考最蒙賜敕命進階吏部察知公賢薦爲御史公辭之秩滿陞南京刑部員外郎又三年擢湖廣僉事成化戊戌致仕而歸矣公居官廉謹爲行人數使於外若河南山東川廣諸藩所至未嘗一受餽遺及使陝西掌行襄陵王府祭事尤爲王所禮遇在刑部時詳明公恕不妄決一囚有古人求生道之意至僉臬司事能辨疑獄人不稱寃而華容沅江等縣數被寇盜爲築城柵以保障之民始得安居焉然公素剛直少容自度與世多忤慨然乞歸曰吾平生所恨者不得推

恩榮吾親耳既歸足跡不至州縣日與諸故友昆弟放情
山水田園間爲詩酒之樂凡八年以乙巳五月二十二日
卒享年五十九公娶陸氏有賢行先公卒生男二太學生
邦祥邑學生邦瑞側室徐氏生男邦民王氏生男邦毅邦
祿女二適王吳任徵孫男二女四於是邦祥等卜地於騏
驥邨之陽以丙午某月某日葬公託進士茂君爲狀使人
走京師請銘于墓予與公自少居同鄉及壯爲同年相知
之深非一日矣且邦祥又爲予之子婿有姻婭之好於公
之葬也雖不忍銘然義不可無銘也銘曰仕不謂遲止於
臬司身不謂衰中歲而歸惟其所持不詭不隨世與我違
謙齋文錄

卷六

墓銘

三

如矩合規莫究其施斂而不爲事親不虧事君不欺如此
男兒爲世之奇天命於斯更復奚疑騏驥之隆瘞此銘詞

紀母張宐人墓誌銘

紀母張宐人今戶部雲南司員外郎溫之母也張世居綏德業陰陽家之術某南京欽天監靈臺郎生子文哲本州陰陽學典術娶某氏生宐人聰慧端正父母鍾愛之笄而歸紀紀之先爲蒙城人後徙綏德以醫名家爲故承事郎諱獻之配獻字玉章號澹菴少孤事其叔父母盡禮宐人能承順其意如子婦然至於奉賓祭待親戚事無大小必得其道人以賢婦稱之他日澹菴羣從求異產力不能止遂出居於外惟取先世所遺醫書數冊及器之敝者數事而已宐人怡然未嘗有慍色澹菴醫日精遠方抱病求治

謙齋文錄

卷六 墓銘

三

者日衆至則隨手取應而退亦不責報久則所積亦厚不喜自奉凡有義舉傾而與之宐人亦未嘗有吝容其賢有如此弘治己丑九月初六日躋壽八秩其子溫仕于朝得士大夫詩篇甚富寓歸爲慶賓客滿門諸子婦率孫曾以次捧觴進拜里巷驚異莫不嘖嘖稱嘆未幾以溫之貴將受誥有宐人之封甲寅正月八日俄以微疾卒溫歸來泣告曰不肖賴慈訓以有今日所恨者雖恩典之頒而不能光榮生前矣九月十有七日葬于榆林城南三岔河之陽合承事先君兆幸畀一言以慰之子居京師且久知溫爲郎官有美才昔嘗感其孝爲文以表其先君墓乃復按刑

部侍郎張君尚綱之狀書而授之宐人有男子四長淦次
卽溫又曰灤曰濂淦灤俱以輸粟授官濂鄉貢進士女一
適冠帶總旗楊政孫男八人世相世良俱太學生世椿世
科世楹世祿世標世楫女九人長適榆林衛千戶李鳳次
適王勳次適朱鸞餘尚幼銘曰順以爲德嚴以爲教旣宐
其家亦享其報報以厚養復躋高年天恩且下曷不少延
子孫如林盛而未艾立石墓門其尚有待

謙齋文錄

卷六

墓銘

三

英國太夫人吳氏墓誌銘

太師兼太子太師英國張公懋之母太夫人吳氏太原陽曲人諱珍之女也公之考太師定興忠烈王封國于英已娶李氏封夫人蚤多疾無以屬內政一子忠爲勳衛生亦不慧乃禮於吳而太夫人歸焉忠烈之考河間忠武王肇樹勳業爲鉅家太夫人弗逮事其舅事其姑河間王夫人王氏躬執烹飪備極奉養歲時有事于家廟必虔以相祀忠烈出奉朝謁議軍國弗復內顧凡壺以內出納賞罰之政太夫人理之咸中節度忠烈稱之曰能忠烈之弟忠僖侯輒爲文安伯裕國勇襄公輒爲太平侯一門三爵家益

謙齋文錄

卷六 墓銘

三

盛大而昆弟雍睦太夫人處娣姒間亦怡然無間言李夫人有女子三其仲事仁廟爲敬妃孟適黔國公沐斌季適清平伯吳英竝爲夫人太夫人尤善處接或時以善言相勸導故外內族黨皆稱其賢正統己巳忠烈扈從北狩不得歸今公懋甫九歲朝廷念死事功特命嗣爵太夫人擇傳以教間舉先世忠貞諭之故公材器克就歷事英皇憲廟以及今上累荷知遇承倚任掌中軍都督府總五軍營兵監修國史知經筵事以敦謹著勳卓然爲世臣之首而太夫人實饗其成天順癸未賜誥封英國太夫人其詞有曰淑善之積益隆壽祉觀者榮之弘治乙卯五月四日太

夫人以壽終距其生永樂甲午九月十日春秋八十有二上命禮部諭祭工部治葬事皆如制別賜寶鏹以貫計者二萬齋糧以石計麻布以疋計者各五十尋復加祭以壇計者五皆異數云太夫人慈厚謙約念勳衛忠無嗣以庶長孫爲之後施及諸族恩及羣下皆貴富家所罕見者可謂賢矣癸丑九月太夫人初度縉紳往賀有鶴盤空而下躍入席前馴不復去旣屬壙之明日悲鳴而斃噫是亦可謂異矣太夫人惟懋一子女一適太師兼太子太師保國公朱永孫七曰欽勳衛曰鉉曰銘錦衣衛百戶曰銳曰綱曰鎮曰鉉女孫三長適永順侯薛勳次適安昌伯錢承宗

謙齋文錄

卷六 墓銘

三

次早世曾孫五曰嶽曰嵩曰端曰崇曰巖曾孫女一初公葬忠烈衣冠于盧溝橋西連三岡之原卜是年八月十日以太夫人祔奉程學士克勤所著狀請予銘監修時予實以總裁國史事又同朝久故爲敘其事行而系以銘銘曰盧矢彤弓世受國封惟夫之忠有相之功桓圭繡裳載躋廟堂惟子之良有教之方曷其饗之鍾粟鼎肉曷其飾之冠翟佩玉康寧富貴餘八十年人得其偏母得其全計聞在朝有祭有賻賻侈其物祭加其數生旣極榮沒亦孔輝匪惟今茲在古亦稀堂封是祔忠烈之墓勒銘奠幽永保

無斁

泰安州判官崔君墓誌銘

駙馬都尉崔君元旣葬厥祖泰安君奉太常少卿王君佐狀請予銘墓不得辭按狀君諱震時起其字世居東勝州元季兵亂徙鴈門遂居代州祖諱普明考諱璟君生而魁碩有度少補州庠遭父母喪久困場屋天順甲申以例輸邊實爲國子生成化甲辰試吏部授泰安州判官州有泰山祠四方捐金帛供香火者歲每不貲奸盜百出君禁奸覈實綽有能聲弘治戊申輸宣府芻粟有羨銀七百餘兩會齊河諸縣有逋數因貸之償民布政使戴君珙用禮幣勞君以旌其能獨石地遠粟貴民困輸納君奏乞太倉粟

謙齋文錄

卷六

墓銘

三

給之已酉督兌軍儲于臨清有羨米三千餘斛銀五百餘兩乃白部使者以修安山水次倉七十餘間州有預備倉每不守守者輒被罰君贖罪人以市地闢衢巷構屋宇招民復業者居之盜不得肆庚戌督官銀給遼東戍兵修廟學及祭器視昔猶加己亥修德藩二郡王府及周孔顏孟諸廟及濟南城隍祠役重費廣計日而集巡撫都御史吳君節委攝肥城縣事賞罰明信兵民欣服累值歲歉多所賑貸山谷間有巨盜數十民病防守君悉力追捕皆就擒減壬子巡撫都御史錢君鉞及巡按官皆薦君爲大縣不果癸丑以老病致仕歸其鄉時君意有不能平頗欲自直

會孫元被選尚永康長公主君曰吾復何求遂絕口不道
前事於是放遊齊魯吳越間周覽形勝惟意所適徜徉將
歸乙卯七月二十三日以疾卒于蘇之旅次距其生宣德
乙卯四月二十六日壽六十有一配某氏子男儒國子生
實生都尉以恩授東城兵馬指揮女一適國子生劉益之
孫四都尉其長次曾次周次愚孫女二長適鄉貢士謝國
韶次未聘是歲十一月十三日葬于崔邨之原子每見都
尉恂恂猶書生心愛重之知源派有自也比又聞其曾祖
某素好義嘗梁溥沱以利病涉所積甚厚及泰安君位不
稱德東城君鬱不得施乃於其曾孫見之是固然哉爲之
謙齋文錄

卷六

墓銘

三

銘曰國有貴族出于儒門肇之者誰君德是敦其德維何
曰有遺愛民情匪私輿論攸在善而不福豈理之常於君
徵之若貸而償簪纓蕤蕤耀彼門閥刻銘著聲公死不沒

程襄毅公林夫人墓誌銘

弘治八年乙卯七月十日程襄毅公夫人林氏卒于京師
官舍其子敏政解官扶喪歸襄毅卒時先朝已贈太子少
保賜葬于休寧南山之原今夫人卒賜祭命工部啓壙而
窆仍給驛歸其喪蓋特恩云喪且行敏政乃躬述事狀請
予銘墓按狀夫人姓林氏諱淑清爲閩人唐九牧之後也
派分環珠里號環珠林氏高祖謙翁元授進義副尉曾祖
起宗贛州錄事司判官祖子隆國朝洪武初坐累謫陝之
綏德再徙河閒遂爲河閒人考頤妣李氏子女各一璵爲
淮之安東簿女卽夫人夫人生有慧質孝謹純至凡女工
必精習讀列女傳女戒諸書輒領其要父喪時尚未笄哀
毀如禮安東治家嚴重念夫人之賢必有以稱其選者久
而弗得程氏自新安來徙河閒而襄毅在小學安東訪之
爲儕輩所服後入儒學其家以姻請安東乃白於母曰程
某遠大器必爲女弟擇配無踰此矣旣歸襄毅之祖若考
贈尚書公皆在堂母張氏有四女一子未畢婚嫁夫人奉
兩世舅姑躬操井臼治酒漿脯膾不憚勤勘寒暖饑飽起
居之節必得其宜數年襄毅舉進士授官夫人幸有祿食
而儉素如故及嫁四姑娶一姒皆手分俸金甚者撤匱具
爲助前後四經舅姑之喪無違禮襄毅歷給事中少卿都

謙齋文錄

卷六

墓銘

三

御史以至侍郎尚書督邊儲治兵旅領巡撫之寄出入中外者四十年懋著勳績而夫人獨任內政奉家祀施子教待新安河閒諸伯叔子必周必至擇安東諸子可教者俾就外傳其一方爲河南長社巡檢其一英爲山東青州府訓導皆底于成夫人馭臧獲有恩待親黨故舊有禮見鄰婦里媪之貧者或解衣衣之雖數不厭其賢如此夫人凡三荷封命景泰初以襄毅給事中貴敕封孺人天順中以都御史貴詔封淑人成化中以兵部尚書貴進封夫人後其子貴雖累封而夫人秩號已極不復加錫惟享有祿養後襄毅之卒十有六年壽七十八臨終謂敏政曰勉報上

謙齋文錄

卷六 墓銘

五

恩以光祖宗我年已老得從爾父地下於願足矣言訖卽逝子三長敏政進士及第累官太常卿兼翰林侍講學士以文學顯于時敏德詹事府主簿改蘄州判官卒敏行儒學生女一適忠義前衛指揮同知凌雲漢封淑人孫男四長壘廕授錦衣衛百戶次圻蚤世次塏次堂孫女四長適邑人臨塘范禰次適婺源大坂汪立錫三適新安衛指揮子朱儀四適新安衛千戶子于恩銘曰曷徵能婦夫爲名臣曷徵能母子爲聞人霞幄翟冠夫封之貴堂居鼎食子養之遂康寧壽祉有錫自天人得其一毋備之全視履者祥於理則有勒銘于幽以示永久

平江伯夫人沐氏墓誌銘

夫人姓沐氏太保兼太子太傅平江伯陳公志堅之配也其先鳳陽定遠縣人也曾祖諱英從高皇帝起義兵建大功爵至西平侯追封黔寧王諡昭靖祖諱昂爲左都督追封定邊伯諡武襄考諱僖襲雲南左衛指揮同知後以子璘貴贈右都督夫人蚤失怙恃鞠于庶母孟氏性敏慧不凡而容止詳慎不苟言笑女紅外無所嗜悅閒涉書史通女戒大義恆嘆曰吾獨不得事吾親日有所觸輒涕泣不食兄璘嘗攝雲南軍務事謂人曰吾有女弟如此不可不擇所宜歸聞平江公賢而多才遂納聘焉比入門逮事其

謙齋文錄

卷六

墓銘

三

舅某國莊敏公暨其姑譚太夫人孝謹備至相平江公祇敬未嘗少忤賓客之饋躬自治具內處娣姒和不失色下及臧獲御之有恩旁至姻黨禮意兼厚無不稱者及居喪治葬一皆勸公行朱子家禮尤嚴祀饗至親滌俎簋久而不倦公有二幼弟鐸鉉撫待甚篤與之合姻二妹之嫁亦盛匱具以遣衆皆感其義終身以母事焉公旣嗣伯爵夫人獲膺封誥每歲節入賀太皇太后皇太后及中宮輒被寵賜而謙慎益加公嘗佩征蠻將軍印總鎮兩廣督理漕運入掌督府握京營兵出治河決攄誠效力無私顧之憂者以夫人在也公壯尚未有子夫人寬以逮下忽夢二獸

交走于堂一老嫗曰此熊羆也寤以語公公曰此男子之祥也翌日側室袁氏果生一男因名之曰熊夫人育之不一異已出稍長延師教以經書今爲錦衣勳衛爲擇良娶朱氏太師保國公追封宣平武毅王之女得孫男女各一誕孫之彌月燕飲甫畢夫人倏得痰疾熊焚香籲天剖股肉和羹以進聞者曰觀子孝則知母之慈矣夫人卒于弘治丙辰十二月十三日距其生正統戊午七月初二日享年五十九事聞上遣官諭祭有司治葬如制後特賜楮鏹萬貫及棺槨一具米布各若干公請于朝給驛遣熊扶柩而南下用丁巳某月某日窆于江寧大山之原從先墓也說

謙齋文錄

卷六

墓銘

美

者謂夫人生鉅家歸顯族安處儉裕未嘗知世間疾苦而能勤儉自將相厥夫子保有爵祿方隆而未艾可不謂之賢耶公勸夫人甚恩所以慰其神乎地下奉狀來請予銘弗獲辭而爲之曰猗嗟夫人勳舊之裔歸于侯門允作嘉儷事上撫下家人是宜賢名式彰豈曰無儀鸞封煌煌有懋其服入朝三宮出表羣族貴鮮不驕富孰非侈夫人持之勤儉終始匪獨婦德母教亦敦廕澤之餘有子有孫胡享之隆而世弗久曰祭曰賻世亦希有皇循舊度命藏故邱伐石勒銘恩昭九幽

誥封淑人繼室李氏墓誌銘

予少忝科第入翰林繼而爲卿亞以預政事夙夜在公不暇顧其私然而閫以內事亦治而不紊者以有吾妻李淑人在也而今則已矣吾能免乎內顧之憂耶且吾善孰與相過孰與箴事有不樂者又孰與勸而釋耶此子不能不悲恨者淑人諱德貞其先爲金壇人伯祖順當國初以武功積官至指揮同知其從子克裕娶胡氏生淑人笄年歸予初予喪元配贈淑人杜氏擇繼室不可得或言李氏雖武弁而有家法且其女甚賢乃禮聘之旣入門克修婦道若素習然每念去舅姑遠不得朝夕侍奉每晨輒焚香

謙齋文錄

卷六

墓銘

七

望拜敬祝其壽而得一美味必封寄之以爲常及予得告歸省始挈之至家凡所以事舅姑者必躬爲之或請代其勞則曰吾羈京邸方得侍奉何以代爲其孝如此杜淑人遺二子尚幼鞠育教訓與己子無異旣長雖鄰嫗亦不知其爲非淑人出也其一女將嫁資裝旣備復盡脫簪珥與之曰此女少失母當加厚其慈又如此蓋自其少時性行異於人居父母旁日事女紅不妄言笑歲時親戚婦女過其家者見其容飾之盛輒爲之羞赧俛首不視當吾歸省時先君禮部公嘗輟飲器數十事畀吾以爲還京待賓之用淑人曰君歸無以奉親而反受此不可且客居器用惟

磁漆足矣予深然之卒不敢受先君聞之甚加稱歎其餘約又如此歸吾數年未嘗越中門以行一日兒有墜樓者聞之驚悸乃出抱持之而僕隸輩始識其面其靜又如此平居處娣姒以和待親戚以禮御童僕以恩與子處幾三十年而相敬如一日諸子或有差失慮予之怒必和解之退而必自責讓不少恕其亦可謂賢矣女事之暇尤喜讀書孝經論語并古詩文多能背誦至於臨模字帖亦有可觀蓋其餘事也予自春坊庶子擢少詹事兼翰林侍講學士淑人尋亦得今封凡官闈有慶累入內朝賀其顯榮亦至矣今上念舊學之臣嘗以吾兒元概侍居京師特受官秩以示恩寵未幾又特俾乘傳還家畢姍事淑人乃率之行事未及成不幸以一疾而卒其卒以成化二十一年六月十三日年甫四十三將以又明年十二月葬于邑南陽山之原朝廷又敕禮部遣官治墳且命常州守臣諭祭恩禮稠疊愧無以爲報也葬旣有日乃述其梗概刻石納壙中以洩悲恨之情若其淑德懿行親族皆能道之其多不能盡書也子男四曰元楷指揮僉事曰元棻邑庠生蚤卒曰元相承事郎曰元概中書舍人女一曰元秀適太學生張邦祥孫男三曰文煥曰文燦曰文熺女一曰文柔系之以銘曰嗟淑人兮何去而不歸一室寥寥兮惟所遺衣吾

謙齋文錄

卷六

墓銘

七

尚可以自存兮諸子俛俛然其何依胡豐其行兮嗇其壽
吾不可詰兮復何咎邱墳旣築兮天寵則厚同穴而居兮
尚百歲後

謙齋文錄

卷六

墓銘

五

仲弟時望墓誌銘

弘治五年十月二十三日吾仲弟時望卒遺言於其子元
橘曰吾生有汝伯爲之兄以庇我今雖死可無憾矣然知
吾平生者亦無踰於汝伯吾死其乞文誌墓庶吾目始瞑
也於是元橘以書來告予聞之痛哭嗚呼吾忍銘吾弟乎
顧其言如是則又不忍不銘也惟先公戶部府君生吾兄
弟四人吾爲長次爲吾弟吾弟自幼明敏讀書善記且善
屬對先公甚愛之稍長卽解事每見先公治家勤勞輒請
代先公曰汝年幼正當與汝兄讀書進學以取功名家事
非汝所宜問也則對曰進取功名乃長兄代理家事兒之

謙齋文錄

卷六 墓銘

早

責也先公初未之許一日偶試以某事卽能中規畫先公
驚喜由是凡營居室治陂塘及耕桑之類悉委之皆如意
後先公漸老得留連詩酒與友朋徜徉於山水間者以有
吾弟任其勞也吾弟性更孝先公嘗染疾甚危醫莫能治
吾弟甚憂一夕夢神以醫書指示謂汝父第服此藥旣覺
檢書果得之依方服之卽瘥人以爲孝誠所感天順己卯
子喪先妻杜夫人於京師冒暑來省因載其嫂之喪并攜
二姪以歸道中感熱毒疽發于背幾死無悔言成化癸卯
三弟得心疾疾作輒怒目叫呼家人皆不敢近獨吾弟日
夜在側百方治療然後愈明年四弟卒爲之擇地以葬教

育諸孤以俟成立及子繼室李夫人季子元概相繼卒吾弟以子獨處京師又冒暑來省其篤于友愛蓋如此平生於子史百家多所涉獵尤精于數學晚好讀醫書蓄善藥病者多所全活至鄉黨以貧乏來告者悉周之無吝近省子道遇廣西某進士之喪輒助白金數十兩竟不問其爲誰也吾少讀唐書張公藝傳吾弟適見之遽請曰古今人宜無甚相遠公藝九世同居吾兄弟豈不能保一世乎遂出誓言期不爲妻子所惑厥後有求分異者力不能止每以爲恨故省子時歷舉先公遺命贊子置義田以贍宗族且力任其事以往士大夫嘉其志咸作詩贈之惜乎志未

謙齋文錄

卷六 墓銘

四

就而卒嗚呼可哀也已吾弟名濟字時望號復齋生宣德庚戌十二月五日距卒之歲得壽六十有三素有治才而不求仕嘗以人粟助有司賑饑補承事郎徐氏世居宜興曾祖諱福贈戶部郎中祖諱鑑瓊州知府考諱琳不仕三世俱贈光祿大夫柱國戶部尚書兼武英殿大學士妣皆夫人吾弟初娶繼娶皆蔣氏又吳氏子男五人曰元橘曰元杏曰元檣曰元欂曰元楨元楨蚤卒女一人適同邑范倫以卒之又明年某月某日葬于拜亭山之原爲之銘曰有事服勞昔見其人溪山在望其人何存田廬秩秩子孫

振振百世之下尚視茲墳

公兒元概墓誌

弘治元年四月二十四日吾兒元概以疾卒於乎吾兒何遽至於此耶吾兒少重遲不好遊戲家人以不慧目之常一日舍舟登岸誤爲木罌所跋墜諸水時岸高數丈湍流甚急忽浮水面不溺若有神扶而起者已而羣兒訊之曰汝將墜何不持罌口曰持則罌覆吾身尚復起耶及稍長出就外傳口授書數百言輒能誦暇則嘿聽諸生所誦能舉其詞無遺先禮部府君見而奇之每出句以試能應聲而對往往有出人意表者由是鍾愛尤篤天性孝友予每公退必拱俟于門雖風雨不少替有不樂則遶膝而娛必

謙齋文錄

卷六 墓銘

四

致樂乃已與兄弟處雖一穀核必待悉至然後敢食以是兄弟怡怡人不知其爲異母出也每受教於兄拭後拭必哭之必慟諸親長止之乃曰天不獨亾吾兄又奪吾師也奚爲不慟性復仁厚幼時爲僕抱而仆于地予怒而杖其僕後雖仆不言或問之則曰言則彼又受杖矣蓋從予居京師者二十餘年予初以禮部侍郎考滿恩例許遣一子入太學以吾兒常習舉子業欲俛就之則以生後讓其兄元楷元楷亦不願先帝錄溥侍從微勞特授中書舍人未幾南歸畢端遭母喪哀毀踰禮疾乃作予聞而憂之然天意遽至於此以貽予無涯之戚乎吾年未下壽而吾髮已

種種三歲間既喪吾妻又失吾兒胡不相予之甚乎吾兒
名元概字弘量姓徐氏常之宜與人曾祖鑑瓊州府知府
祖琳竝贈禮部左侍郎兼翰林院學士母淑人李氏以天
順癸未十二月十三日生年二十六於是其兄元楷元相
卜卒之年十二月二十五日葬于縣南張和山之原先期
以書來告因述此俾刻石納諸壙中吾兒娶今南京吏部
尚書晉陵王公之女無子以元相之子文煝爲後是爲志

謙齋文錄

卷六 墓銘

望

謙齋文錄卷七

尺牘

復李都憲親家

某復都憲李親家閣下別久無任馳情遠惟公暇體履佳
 勝為慰往者被召駐節京畿且有遷秩之榮區區不勝欣
 忭未幾改理漕運此尤見倚毘之重執事才德老成負荷
 匪艱然士大夫不能無厚望于執事也所以然者蓋國家
 財賦仰給東南數郡邇年以來年時亢旱河道淺濫軍民
 上下困于轉輸其勞苦不可勝言今歲恐亦無異往昔但
 執事當此按臨之初凡百設施必有大過人者利弊興革
 謙齋文錄

卷七

尺牘

一

有以見之區區忝在年未為榮多矣茲便輒此申意

簡葉本清都憲

某再拜奉簡都憲葉同年執事別久如仰企何昨于遞中辱寄音問已領盛意卽辰溽暑遠惟撫治之暇神相多福爲慰每念執事自簡命以來值此歉歲長才遠畧所以上紓吾君之憂下慰吾民之望者蓋不少矣近聞太原地方皆得雨二麥頗收秋成亦可望此殊可喜獨平陽一方之民未得少甦凡可以寬恤賑貸之者又不能無望於執事之擘畫也軍職納粟一事已得如所請此法一行上下亦頗得濟此間五六月來連得雨人情頗安但數日暑氣甚酷與南方無異此外不能一一詳也便端專此達意草畧謙齋文錄

卷七 尺牘

二

希照察不宣

再簡葉本清都憲

某再拜都憲葉同年大人比蒙遣祀山右得與吾兄相敘
兩旬臨別後承遠饋同年之情藹如也還朝來亟欲修謝
奈賤體疾作因循至今怠慢之罪無以逃矣張千戶來恭
審公暇體履康勝爲慰但當此歉歲公私匱乏凡百未免
有勞尊神爾救荒一事自古爲難以今言之尤有難者蓋
國家承平日久事多緩弛况郡邑素無儲積何以賑施若
非吾兄籌畫之良撫綏之善又將有不可言者矣

謙齋文錄

卷七 尺牘

三

復葉本清都憲

辱頒手教備審體况多適殊以爲慰昨大同命下之日士大夫咸以朝廷簡任得人爲賀傳者乃謂執事似有不豫色然者此僕所未喻也蓋西北最爲重鎮國家承平日久畱意邊事非得練達老成之人如執事者曷克當此重寄然古之人功成則思退寵極則懷憂執事無乃有見於此乎都下凡百如昨但春夏以來雨澤少降南畿荒歉尤甚疫氣盛行北來人無不沾疾此亦時事可慨之一端也令嗣在此多慢待閒幸爲道意使還草草布此尙希照察不宣

謙齋文錄

卷七 尺牘

四

簡王伯宣都憲

某再拜奉簡都憲王大人執事邇喜榮膺簡命撫治一方
展布長才邊徼多慶竊想事之有益於兵民者次第舉行
輒有表揚忠節可爲世道勸者一事專此奉聞蓋雲南爲
省在國朝入版圖最後百餘年來數郡之人安居樂業不
識兵革是惟守臣保障之功然所以至此者其苦亦甚難
也故當元運旣終其遺孽梁王自恃險遠尙據其地高皇
帝不欲勞兵遠征特遣翰林待制王公與刑部尙書吳公
相繼招諭之旣至並仗節以死王公爲彼拘畱頗久死後
又得翰林諸賢作爲文章以暴白之故其事遂傳于世正

謙齋文錄

卷七 尺牘

五

統間竟蒙朝廷贈諡近又得守臣奏請建廟秩祀忠節之
名儼然不泯獨吳公之死其名特傳於鄉里而已公有子
黻亦嘗蒙恩補國子生後知交趾某縣比交趾陷亦沒用
是子孫微弱不能建白于朝今執事秉忠義之心持風憲
之節卽當請命于朝與王待制並食茲土移檄故鄉錄用
子孫表揚忠節激勵後人則死節之臣目可瞑而名可久
矣執事謂之何如耶人便謹此馳上萬乞畱心於此勿以
區區之言爲無補而視爲虛文也惟執事其信之某日具

簡閱朝英都憲

某頓首奉簡都憲閱大人舊契執事濶別豈勝馳系冬序
始寒不審尊候動止何似切惟執事才德兼茂久厭士論
茲者榮膺簡命進秩中臺凡在有識無不慶忭而况僕忝
舊契之末者乎第以巡撫之初適當兩水之患此正君子
憂國之時凡百未免少勞神用然處置得宜公私俱濟則
所利普矣諒不以爲煩也僕勉強碌碌無足爲道畿內數
郡今歲頗稔蘇常一帶六月以後少雨皆減所收貴鄉不
知何如河陝之間亦皆淺薄然民之凋瘁極矣殆未知何
道可以甦復之也可慨可慨茲便輒此布申夏晤未卜惟
謙齋文錄

卷七 尺牘

六

冀順時珍攝以副倚荷不宣

復李貞伯中書

某頓首復應禎契兄先生執事承惠軸文詞翰俱美但稱許過情令人益增慚悚仰聞王用清乃弟至得所惠書知令兄榮擢貴眷清寧不勝喜慰承諭欲就郡校一事吾兄豈未之思耶比年各處風俗日偷生徒之隆師好禮者少竅案之重利輕義者多賢明提調難逢倨傲上司率是或地臨邊鄙則盜賊出沒不常而終身兢惕於干戈戰陳之下或路當衝要則往來迎送不息而終日奔走於車塵馬足之間設若遭此回視中書之清秩無異神仙文華之直廬真在天上矣雖悔何益哉吾兄識見高明固不待僕之謙齋文錄

卷七 尺牘

七

喋喋然平日蒙知愛之深有鄙見不敢不告也惟采納之甚幸僕自夏初抵家迄今已踰三月終日爲人事勞瘁殊無清思所幸者老親康健朝夕得供菽水爲樂北上之期欲在來春第親年老邁難遽離膝下也克明回布此奉謝并道區區秋涼萬爲斯文愛重不宣

簡李貞伯太僕

別踰一載馳仰無間特以冗懶久疎裁問非敢忘情也每
從原博玉汝處敬詢動履頗得其詳且聞貴恙平復無任
欣慰更望倍加調攝怡心神於老境耳冗中草草布此惟
恕亮不宣

謙齋文錄

卷七 尺牘

八

或下宜

前年偶聞台小帳林多瘴且只中草草亦並
通風氣其端且聞貴恙平復無任
入病坊間非始亦計慮

與蔣仲學縣尹

某再拜仲學賢弟執事別後屢得賢弟書足見不忘舊好但公私叢沓不能以時作答心殊歉然令祖修墳事沈廷美曾有書報侶大器已領命批仰本府照例修理及見兒輩說未得如意豈年歲饑荒有司不能奉行耶賢弟孝心已至遭時之不偶耳付之無可奈何貞伯先生不意遽至大故親舊凋零良可傷悼臘底文宗儒書來報我始知之且云乃婿不才盡將貞伯平日所蓄書畫之類盜去賭博吾家蘇長公祥止畫二卷亦在數中已託宗儒爲我取贖不知畢竟何如前歲二舍弟乃話及吾二人早年會議置謙齋文錄

卷七 尺牘

九

義田以調宗族後因二弟分居不果區區因念今日幸做大官俸祿比前頗增乃議將先公割與區區供給田二百畝并贖得銀四百兩與舍弟商販覓得少息將來置買田地二三百畝共作義田不意舍弟物故前銀亦無下落以致此事久不能成昨三兒來另作區處委他經理冀可以終其事且寒族自來甚大如梅林唐頭屯田長岡諸宅皆出一本先祖存日俱與以往來後至子孫蕃衍日漸疏遠竟莫知所從來况舊日家譜先祖攜往瓊州遺失無存今欲重加修續必得人徧請諸族訪求遺事奈諸子弟中竟無一可委者反復思之惟賢弟周詳慎密深知吾意足優

爲之書至煩假數日之暇幸幸

謙齋文錄

卷七 尺牘

十

復沈豫軒都憲

竊沈豫軒親契盛价來得手書知卽日已臨治屬兼審起居之詳甚慰馳企執事長才偉器敷歷中外聲望表然士論中皆謂進用之晚不獨區區親愛者然也鄖陽之擢殆爲大拜階梯耳豈足以盡執事哉來書所諭若乃不能勝者謙光之德殊非常情可及起敬起敬鄙界四省之間自古所謂重鎮比之他處巡撫區畫調度其難加倍非老成練達者鮮克有濟今茲之行於執事爲少屈然一方赤子受福多矣知己所託書已一一致之凡有建白施行宜必見信如某者愛助之心固其素也何勞諭及耶某近以八

謙齋文錄

卷七

尺牘

十一

月九日蒙進少傅且給三代誥命恩典優渥深恐弗堪惟諸賢有以輔翼我者庶稱德意耳小兒輩九月中旬抵京數日後卽南還小孫亦隨去矣顧年少未知力學方切老懷遠承垂問足感盛情因附及之冬寒千萬自愛不具

簡吳廷用同知

某簡奉貳守吳大人執事久不奉問如企仰何兒輩來備
審經夏來體况多適且言使車每過敝邑必一至寒家兩
兒均辱教愛至於牌坊一事贊助之力尤多自非篤念斯
文之情曷克如斯慰感慰感都下凡百如昨但關中河東
荒歉殊甚猶幸東南數郡比歲豐稔軍國所需賴以此爾
大抵從古至今歲之豐凶固自有數然亦未必不由人為
有以感召之也此後尤乞戒飭鄉人務從儉約不為暴殄
侈靡之行使歲歲享此粒食之利何樂如之此亦執事素
所畱念者也茲中書小兒回家專此申謝并以爲告外進
謙齋文錄

卷七 尺牘

七

士登科錄一册奉資間覽監納不備

復彭鳳儀都憲

某再拜奉復都憲彭大人執事某竊於中朝士大夫間知盛名久矣不得一接高論爲歉比公差人至辱不棄惠及手教愧悚何可以言惟執事才操超卓可希古人中臺峻擢士論允愜第南畿列郡錢穀浩穰調度之勞食不遑暇方今以此奉累而執事顧切切以民困爲念敷奏之餘過蒙詢及斟酌事理委曲詳盡此仁人君子之用心也某昨從山右還始克發書甚恨遲晚於是封內二通卽日轉致隨以所委白之然方事下戶部之初當事者奪於羣議泥於成法已嘗沮格矣及此與之詳辯始悟南京俸米折銀

謙齋文錄

卷七 尺牘

三

官民兩便乃見施行此間食米折銀固有知其便者卒不果行也爲之深慨况俸米折銀石加一錢已失執事美意但吾民困憊已甚得此且少省其餽運之勞受惠亦不可計也某叨祿南宮雖庸劣不足以與朝議然如四方利弊頗嘗究心而况鄉郡之近而稔知者承垂問及之敢不奉教此外民隱尙多可言諒執事咨訪已徧行之有漸便中畧此拜復不多及也未間惟冀順時保練爲國自重不宣

簡趙都憲同年

某再拜都憲趙同年大人執事久不奉問瞻仰殊深卽辰
秋序漸杪緬惟公暇神相多福爲慰往者歲凶民饑執事
內切憂思外煩擘畫數月之間公私上下賴以周給乃今
天降時雨歲獲有秋庶幾民困得甦而執事憂勤之心亦
可以少安矣但聞轉輸一事尙未息肩不知執事何以圖
之幸留意都下凡百如昨畿內諸郡頗爲稔歲但如湖湘
閩廣之間旣多大水而南畿數郡又復亢旱彼此有餘不
足皆不得其常此固可共發一慨也便中謹此申意千萬
爲國自重以副眷倚不宣

謙齋文錄

卷七

尺牘

十四

復何郡守

某再拜郡守何大人舊契執事別濶不勝懷戀昨王員外
公差人回辱書為貺備審公暇體履甚休足慰區區老病
日增不能有補於時每念執事為郡日久洛人稱譽無間
近歲亢旱民困政務叢委勞慮倍蓰於昔當道諸公文相
贊揚不久當膺嚴召以致遠大之用可俟可俟畿內數郡
今歲有獲惟蘇常一帶秋來無雨不覺減收司國計者不
知東南財賦所出慎重其事顧乃輕率建議差官糶賣餘
糧且屬之新進後生大張威勢地方頗聞騷擾今雖已停
止然恐無及矣此亦時事大可慨也便中申謝并以為告
未間千萬若時自愛不具

謙齋文錄

卷七

尺牘

五

與三弟置義田手帖

前歲二弟上京特爲置義田一事其意旣成不意彼至家
遭疾竟齋志以沒今汝重念此事出於先尙書府君及諸
兄之意冒暑遠來復申前議終欲成此美事足見汝孝義
之行吾心甚悅其田初定八百畝已於小珉圩等處撥下
五百餘畝後當再置二百餘畝以足其數汝歸且與吾三
兒元相行之先取佃戶舊帖俱改作義字號以免後日移
動之弊其租除完官外暫將祠堂前宰牲房三二間收貯
其給散族人以備荒歉之歲者再當斟酌多寡與汝行之
此事乃宋范文正公之所嘗行吾德不及古人本不敢依
倣但先志不可墜而同族所當卹姑盡吾力之所能而已
子孫敢有愚頑沮壞其事者當以不孝論他日必須申達
官府嚴加禁約庶可行之久遠也因書此遺汝并三兒知
之汝宜謹守勿誤宏治六年閏五月十五日

謙齋文錄

卷七 尺牘

六

與兒元楷元相

義田一事自宋有之士大夫家孰無此志但貲力不給事勢難行數百年來鮮有繼者我先考府君嘗欲舉行經營未成不幸棄養吾每自念身爲人子繼志述事朝夕圖維不敢少怠但官曹事殷田業未闢嘗屬爾仲叔使成吾事叔又弗壽閱三年爾等至京面受規制且自出本房田七百餘畝以充公用通其祭田一千餘畝定爲條約別立義莊一戶卽令爾等掌管蒙聖恩褒諭免本莊差役積數十年之心厯再世而始就可謂難矣復念范文正公此舉實以其子純仁克任其責而曾孫之賢又足承之故四百餘

謙齋文錄

卷七

尺牘

七

年義莊猶存在史冊爲盛事鄉邦爲美談吾才德涼薄不敢上擬古人而好善敦義之心常欲勉效萬一此事之成且喜且懼恐有玷缺以隳前功自今爾等勉敦孝悌務極公勤稼穡以時出納毋驕以凌物毋侈以傷財毋偏厚於所親毋終怠於成事庶臻實效不事虛文如貲力有餘增置田畝續告有司附註冊籍以憑稽考後承行之人悉遵條約行事仍畱手帖遞相付受永遠存照庶可無虞矣弘治八年中秋日謙齋手書

與長孫文煥

老祖說與孫兒煥吳姑公來說汝父今年請吳瀆姚輔先生在家教汝且汝資質聰敏又肯用心讀書聞之不勝喜悅蓋吾家自祖宗來以詩書爲業以科第傳家汝高祖瓊州府君永樂初由鄉貢進士歷官刑部郎中後奉勅知瓊州府事遺愛在民至今立祠祀之曾祖漁隱府君夙負才名有志用世以父命總理家事遂不果仕進竭力以奉親篤意以教子晚年蒙恩貤封官至春坊庶子兼翰林侍講暇日與詩朋酒友徜徉於山水間而一切世務了然不干惟以養恬樂善爲心賙窮卹匱爲事故鄉人景仰莫不以

謙齋文錄

卷七 尺牘

七

長者稱之迨於汝祖早承家學忝登科甲屢勉修爲至有今日雖不敢自謂善繼前人亦可謂無忝所生矣繼此以延世澤者正有望於汝父不意汝父無志讀書甘心自棄雖納粟乞得冠帶榮身此生終爲虛負其於祖父平日教誨之意何在哉然而能教子讀書以承先志亦足以蓋其愆也今幸吾孫正當幼年兼有美質果能知所方向奮然用力於學務求大成就而後已則掇科躋仕有不難致者如是庶於汝祖父教誨之心不負而我祖宗詩書之澤亦相繼有人矣古云有志者事竟成吾孫勉之哉弘治三年

六月八日老祖書囑

謙齋文錄卷七終

謙齋文錄卷八

雜文

安素軒客難

客有難於安素子曰天之生人萬億其類或賤而貧或富而貴或堅而久或柔而脆或揚揚而升或默默而退誰云彼蒼而獨無私同人異與云胡不疑故富貴或可以智取名譽若可以力持終南捷徑何必往來乎義路詭遇獲禽何必範我而驅馳富貴名利自我取之乞墦搖尾孰得而知而子安履其素若顛若癡惟已所行不隨乎時惟子之守不能韋脂惟道之謀不能變移雖古道之所尚實今人

謙齋文錄

卷八

雜文

一

之所嗤子蓋不變子之故從今之所宜與安素子聞之愀然不樂曰是何言之謬耶惟履之初素履行願中庸亦云素位不願惟分之安固執不變豈同小夫物理交戰彼雖文繡非我所羨彼雖膏粱非我所勸傲倖而富貴孰云其爲德安分而貧賤孰云其不善樂夫子之固窮羞子路之慍見故食取充饑藜藿不羨乎膏粱衣取蔽寒繻袍不恥乎衮裳居取避雨茅屋不慕乎華堂無外之求惟德之將言旣歌衛風雄雉之詩而和之曰不攸不求何用不臧吾安吾分終身之臧夷齊首陽千古之臧富貴驕人何足以臧歌竟高臥不顧客不敢難含媿而去

萬巽夫字說

粵惟萬氏爲古者芮伯萬之裔漢雲臺二十八將有萬修封槐里侯其家世之遠可徵予同里萬姓者僅一二要之爲喬木大族獨非槐里相傳繩繩不絕者與曰盛者聰穎特達充邑庠弟子員明經飭行出人一頭地乃今應詔貢于春官進試于內庭中式得入太學未幾循例依親南還以予有同門之好告於予曰盛於加冠時賓師以巽夫字之辱諸君子以字呼於盛也於茲有年矣顧未有爲字說者以釋其義以俾盛知所從事而自勗焉願以是請幸勿我拒予爲之說曰以天道言之日之午月之望皆所謂盛

謙齋文錄

卷八

雜文

二

也然日之昃月之虧其巽之謂與天道尚然而況於人道乎君子德業盛矣名位盛矣必有若無實若虛而後知巽也必如明夷養晦必若良賈深藏而後爲與也書曰滿招損謙受益其此之謂與盛若自尊巽則自卑必卑之益至則尊之益重矣巽夫其有明諸心而體諸身矣予奚容瀆告之哉雖然巽夫歷茲以往登高科躋膺仕有日也尚惟以盈是懼以謙是處則夫名實胥稱而遠大之域孰有涯涘哉作巽夫說予亦因是而有所抑畏云

都亭折柳詩引

都亭者何都城之外有亭焉以爲置郵之地也折柳者何贈別之舉也古詩所謂反手折楊柳者是也別必於都亭者何車馬之所集道路之所由分也別必有詩者何發乎情形乎言言焉而成聲者也詩必以折柳名者何擬古而作也詩何爲而作送蔣悅仲學南歸也悅曷爲而歸以國學生待次未及而學於家也曷爲送之悅從子授經者也從子送之者誰鄉黨之士仕于朝及凡所與識者也識其人知其所存樂與之處而不忍別焉此情之所不能已也不能已者此詩之所由作也子曷爲無詩方有公務弗暇謙齋文錄

卷八

雜文

三

也曷爲引之亦有不能已者存乎其情也子情曷存乎悅之所知也悅之所知雖假子言而亦有不待子言者也

送吳甥吉士南歸詩引

吳甥儼今歲領鄉薦而來得與天下士角藝於春闈再捷
及廷試又在高等尋被旨選入翰林爲庶吉士方益攻文
字以圖他日報稱俄而疾作思歸乃具陳請遂獲俞音子
雖欲留之亦不可得也其行有日士大夫有惜其去者多
贈之詩顧子可無一言乃亦賦四韻仍僭書數語于前儼
爲吾女弟之子少已失恃賴祖母鞠育而承其父訓誨以
至成立今而歸也兼遂省親之願可爲樂矣樂則其疾脫
然以去去則速來以副朝廷儲養之意以爲科第登庸之
光則子亦有光也

謙齋文錄

卷八

四

跋東坡楚頌帖墨蹟後

吾鄉山水佳勝昔蘇文忠公愛而居之故其名益著公之居此其事特見於文集與郡志中至訪其手迹僅有所題斬蛟橋八字而已若此種橋一帖乃長洲李應禎攜以示予者竊喜此爲陽羨故事也遂用摹刻于石臨視惟謹不敢失真既又得公乞居常州奏狀及子家舊藏一小簡言買田事者復次第刻之而周益公謝采伯跋語各附其後蓋其考據歲月皆精當可覽若元人一二題詠亦不忍棄焉刻完歸置泐溪書堂所以起鄉人子弟景仰先賢之意豈徒玩其筆畫之妙而已哉成化乙巳歲夏四月甲子書

謙齋文錄

卷八

雜文

五

書岳鄂王廟記後

宋建炎間金兀朮南侵攻陷常州羣盜四掠宜興皆爲所蹂躪時岳鄂王方提兵抗禦邑令迎王移屯其地兵出屢捷遂保無事避地者亦賴以免邑人圖像祠之學錄周端朝實爲之記歷歲既久人習稱岳廟因訛傳爲東岳之神歲時男女雜揉祈福于是蓋廟記旣亾而王出兵時手書紀功小碑後人築城復寘之亂石間莫有知王之功者近歲士大夫稍知之欲正其繆妄而小碑亦以城圯而出雖殘缺不完尙可考信蓋王之功當不可泯也於是今邑令武陵陳君重修其廟而仍刻端朝記于石陳君報功之心謙齋文錄

卷八

六

其卽宋令戴君之心也乎刻成予故書其事于後記云王設方畧降馬臯惛林聚而史則云盜郭吉遁入湖王遣辯士馬臯林聚盡降其衆其事不同豈臯聚旣降而後遣之耶俟考之

南極老人贊

在天成象在地成形惟是老人孰知其名匪下界之叟實南極之精首昂而骨聳目細而眉清厥狀既異厥衷至靈見於人間專司壽齡爰有羣僊之趨侍又若北辰來拱乎衆星益共祝聖天子億萬年之福而敷錫於近侍遠播於黎氓爲國家之上瑞人物之休徵也

謙齋文錄

卷八

雜文

七

身知爲國定之士識人難之於對也

鼎足益其源望天千嶽萬阜之賦而煥發於我封疆番分

風然人間車馬舊制矣有登對之賦奇又昔北氣水對子

南國之詩首唱而骨結目眩而唇清烟米和製想專正

身知爲國定之士識人難之於對也

少保商先生像贊

藹然而可觀者其氣之春溫凝然而不動者其身之山立
其操履之謹畏者淵之臨其舉動之舒徐者玉之執故王
曾之試科場而榜獨冠乎三宋庠之知制誥而歲不踰乎
十此固人情之所同其非後世之可及者乎時不在名之
轟轟而在乎相業之汲汲也

謙齋文錄

卷八

雜文

八



此書... 謙齋... 文錄... 卷八... 雜文... 八... 謙齋文錄卷八雜文八

曾學士像贊

黃閣僊卿金門吏隱文章足以潤其身議論足以建乎事
繫士民之望而其才綽乎有爲兼天人之學而其心坦然
無愧此子嘗知其爲人而不忝乎狀元之及第也

謙齋文錄

卷八 雜文

九



謙齋文錄卷八雜文九

京刑部侍郎陳公像贊

讀學鄉校名譽已彰出爲世用際時平康其治獄也合乎
刑之倫要其佐憲也振乎國之紀綱其出言而決大議也
足以動乎朝著其運籌而禦強虜也足以靖乎邊疆士論
允諧乎遠近君恩無間乎存亾忽焉瞻之遺像在堂吾固
識其爲同年陳公時莊也

謙齋文錄

卷八

雜文

南京工部尚書靜齋劉公傳

公諱宣字紹和一字應召號靜齋姓劉氏其先南康人也
在南唐有諱適者仕至工部尚書生君造以吉州推官畱
家安福谷木坑故今爲安福人君造生璞南唐進士至宋
三世補太學上舍時人因稱三舍劉氏公生七歲而孤遭
家多故能自力於學不隨同輩嬉戲從故禮部侍郎李公
克述習春秋精勤不懈父戍廬龍而沒躬往代之雖處行
伍中不廢讀書其志必欲以科第自顯時麻城鄒公來學
以都御史巡撫其地閱其業大驚待以殊禮景泰庚午應
試京闈鄒公送之郭外舉酒祝曰汝此行必取解首否則

謙齋文錄

卷八

雜文

十一

無相見也衆竊笑之是歲故少詹事劉文恭公主試得公
文卷奇之置第一如鄒公言明年會試禮部高等遂登進
士第授翰林庶吉士壬申授編修丙子修一統志成陞修
撰天順甲申憲宗嗣位充經筵講官成化丁亥九載秩滿
陞右春坊右諭德修英宗實錄成再陞右庶子庚寅擢南
京太常寺少卿寺事多廢公建言十三事皆見採納丙申
丁內艱壬寅改除進本寺卿掌國子祭酒事公爲師待諸
生甚厚而差遣必公考校必明無不悅服者琉球國遣子
弟就學公舉舊制令所司給其日用之費他日其子弟奉
白金一觔爲束脩公力卻之己而復以其半爲奉事聞于

聖人得旨乃受丙午召爲吏部右侍郎丁未夏旱奉命祀北嶽地鎮宏治戊申今上嗣位再進左侍郎公以漸衰求閒始拜南京工部尚書知公者乃惜其去公欣然以行至則會計出納革絕侵漁未幾財用頓積而推舉屬官以激勸其下人人皆爲率職歲餘以病不起辛亥七月十日也享年六十有七公少懼貧苦在盧龍時游學京師每徒步往返爲寒暑所中輒疾死道上逾時始甦嘗建言禦虜四事其後有己巳之變果如所料及虜薄京城從裨將守備天津多所補益軍中有誘歸及欲妻以女者皆不從其窮時已不苟如此惟耿介疾惡是是非非不徇于人尤好面謙齋文錄

卷八 雜文

十二

喜作新奇語有冲澹集藏于家祖諱某父諱某竝贈南京
太常寺卿妣竝贈淑人三子長秉常國子生秉善邑庠生
秉監女四人論曰公卿起諸生一旦富貴遂忘其故而爲
驕侈之習者比比如劉公祿位已崇所持猶寒士雖古人
何以加之且士非困窮不能自立所謂貧賤憂戚庸玉汝
於成也公之志甚大力甚堅惜未得專乎其位而盡展之
故其事業之所立者止此然其名則豈有久而不傳者哉
子與公有斯文契因書此以貽其子俾藏之爲家傳云

謙齋文錄

卷八

雜文

十三

此公存漢文錄因書此以貽其子俾藏之爲家傳云

謙齋文錄卷八

公之志甚大力甚堅惜未得專乎其位而盡展之
故其事業之所立者止此然其名則豈有久而不傳者哉
子與公有斯文契因書此以貽其子俾藏之爲家傳云

謙齋文錄卷八
公之志甚大力甚堅惜未得專乎其位而盡展之
故其事業之所立者止此然其名則豈有久而不傳者哉
子與公有斯文契因書此以貽其子俾藏之爲家傳云

晉贈三代祠祭文

溥仰承先訓履荷聖恩載錫贈典始以七品贈父封母既
遷五品恩隨以加後官侍郎繼職宗伯重蒙恩加及二代
茲者官保秩滿又得推恩伏蒙制下襲及三代贈曾祖考
光祿大夫柱國太子太保禮部尚書文淵閣大學士曾祖
妣為一品夫人而祖考妣及先妻之贈典亦如之給
誥之詔方頒而加秩之命遽下今陞溥為少傅兼太子太
傅戶部尚書武英殿大學士一月之內兼此二榮是皆祖
宗餘慶所及謹附祝文用伸昭告以亾室贈一品夫人杜
氏李氏耐食尚饗

謙齋文錄

卷八

雜文

宗伯慶爾... 一品夫人... 贈曾祖考... 光祿大夫... 柱國太子... 太保禮部... 尚書文淵... 閣大學士... 曾祖... 妣為一品... 夫人而祖... 考妣及先... 妻之贈典... 亦如之給... 誥之詔方... 頒而加秩... 之命遽下... 今陞溥為... 少傅兼太... 子太傅戶... 部尚書武... 英殿大學... 士一月之... 內兼此二... 榮是皆祖... 宗餘慶所... 及謹附祝... 文用伸昭... 告以亾室... 贈一品夫... 人杜氏李... 氏耐食尚... 饗

元妣何太宜人行述

先母何氏諱妙賢世爲宜興人父達輕財好義鄉稱長者母夏氏有賢行卒時先母纔九歲哀慟如成人後事繼母能順適其意繼母待非其道未嘗以告諸父由是大爲父母所愛相攸以歸先君爲冢婦年十七矣是時祖母吳夫人猶在見先母年幼而動循禮度喜謂親戚曰吾家得孝婦門戶之興可知矣先祖瓊州府君以事詔繫獄先君北上祖母止之曰爾婦將媿身姑緩之先母曰父母有難而顧妻子耶先君卽日就道旣而留京邸三年仰事俯育之用一萃於先母先母奉養極其勞瘁見祖母時或與念流

謙齋文錄

卷八

雜文

十五

涕不食百方解慰之時時弄兒女以娛目前暮則率諸婦左右或資稟家事或緝治女紅夜分俟祖母熟睡然後退蓋先祖仕宦兩京逾二十年先母奉養其姑于鄉率如此而於其被難時尤窮窮如也宣德間歲饑一夕盜至先母聞撞門聲急亟扶祖母避竹園中俄而失祖母復奔至中堂覓得之仍扶以出賊旣去諸婦謂吾母曰何膽大如此脫遇賊何以自處婆婆年老人無傷也母曰正姑年老恐驚悸成疾耳我死何足惜後祖母久病在牀晝夜不離側湯藥非親嘗不以進及卒哀毀踰禮是時先祖歿久矣二

兩母年固少先母一以姑禮事之撫庶叔五人服食必

先已子教導漸成相先君爲之婚娶故諸叔愛吾母亦如其母焉先君性嚴毅吾母事之無違禮相守五十餘年而相敬如一日歲時祭享膳羞酒漿極其豐潔客至亦躬自治具以佐先君之懽至老猶親主中饋不以委諸婦也先君教子弟甚篤供具賓師之禮先母唯恐不至每先君程其課業輒從旁獎諭之見業有端緒者喜形眉睫否則不樂也薄初應鄉試謂曰兒今行矣我有一事不樂薄跪請其故母曰南京繁華之地兒年少未娶恐爲所誘不能自持則致辱身虧行矣薄曰兒誠不肖唯恐不能取科第爲父母榮此非所患也薄亦不敢一涉非禮以遺親憂及忝

謙齋文集

卷八

雜文

十六

官于朝二十餘年再得告歸省所以教戒薄者尤切平生色仁而氣和接內外屬人謙謙自將至與其衣食則嘗取其薄者居室無嫉妬之行每勸先君納婢妾而先君自不從性勤儉於華麗之飾無所好暇則治麻桌絲繭如小家婦女然財帛當用者雖費不吝祖母之姊之女蚤孤攜歸撫育之及長當嫁時祖父之祿入有限也吾母則輟匱具資遺之舅氏兄弟姨妹孤貧者周卹之始終無厭於他親戚鄰里亦然家所畜奴僕煩衆一撫之以恩嘗曰此皆離父母而來事我者奈何不加恤哉或有過必爲之隱諱惟薄忍家一知之有善輒稱道之加賞勞焉有被斥逐去之幾

十年猶感念主母而欲歸者吾母之善行類多可書此特

一二焉初溥之免先君喪當還朝不能遽舍以去先母

諄諄然語之曰吾家世受國恩吾兒當思報效可也我有

爾諸弟在爾無以我為憂溥涕泣受教迄今自抱終天之

恨痛哉先母生洪武三十五年五月丁亥卒成化十三年

五月己丑享年七十有六子男四人長即溥次濟次淪次

澍女三人嫁同邑吳吉蔣蘭吳經孫男十四人孫女六人

曾孫女一人先母初封孺人再封宜人溥始聞訃將歸吏

部以聞蒙恩賜祭命有司營葬且給溥驛舟以行是則朝

廷之恩固大矣非賴吾父母教育之力豈有今日溥哀痛

謙齋文錄 卷八 雜文 七

悲號有死無隕今卜以卒之年十二月壬寅葬于瑞雲山

先考庶子府君之墓謹具先母世出行事卒葬之概請文

于執事以昭不朽伏惟哀憐而寵畀之不勝大幸

先母生於洪武二十五年五月丁亥卒於成化十三年

五月己丑享年七十有六子男四人長即溥次濟次淪次

澍女三人嫁同邑吳吉蔣蘭吳經孫男十四人孫女六人

曾孫女一人先母初封孺人再封宜人溥始聞訃將歸吏

部以聞蒙恩賜祭命有司營葬且給溥驛舟以行是則朝

廷之恩固大矣非賴吾父母教育之力豈有今日溥哀痛

悲號有死無隕今卜以卒之年十二月壬寅葬于瑞雲山

祭湖廣按察司僉事張公文

惟公少時負俗之累奮發于心黽勉于事績學精專莫之
或先鄉榜甲科遂爾連連列職中朝官階斯轉繼躋外臺
仕路益顯雖則顯矣如忤物何奉身而退其樂則多公身
雖屈公名則完公志不遂公心則安母氏高年幸供子職
孝養期終疾疹俄亟嗟我與公豈直同年既忝鄉閭復結
姻連聞公之喪哀痛倍百繫官于朝欲往弗克聊馳一觴
惟寫我心魂如有知爲我來歆尚饗

謙齋文錄

卷八

雜文

祭長姊文

與同母實惟六人惟姊居長性行尤淳爰自笄年歸于
故族婦道克持孝敬殊篤良人游學內助日劬忽焉中道
賚志寡居僕耕于田婢織于室衣食能謀家業無失況初
失子幾絕其宗終焉嗣續置妾之功撫育其孤庶見成立
白首高堂傷感抱疾自與別違歲時屢歷繫官縻祿懷思
戚戚忽聞訃來哀痛切激骨肉存亾永永嘆息煮粥無能
揮涕沾臆敬遣兒輩奠以酒食尊靈猶存洋洋來格尚饗

謙齋文錄

卷八 雜文

五

淑人暨四兒元概文

上高堂有此女師靖專其德慎淑其儀身安享乎晚福
子顯庸乎明時謂非修內行而獲陰報豈榮壽若是乎兼
之緬懷昨歲登堂獻卮指瑤池以爲酒做南山而賦詩恍
壽顏之在目曾陳迹之遽違夫何倚仗之不常哀樂之難
期望婺星而光滅悵萱草之色萎惟苦塊之哀重致傷生
之可悲視疇昔而不若撫二柩以纍纍設茵鼎而孰奉置
繁珥其何施念子道莫大乎送死顧家禍何緣而重罹曰
惟不死惟孝與慈帝有諭祭之文史有表阡之詞棘心寒
泉可慰在茲嗚呼尚饗

謙齋文錄

卷八 雜文

三

嘉靖辛亥余按部潯州而北流縣徐尹文炯率諸生至謁
因以其祖徐文靖公集遺余攜至貴縣公署讀罷幾至泣
曰公三朝舊德藉以傳後豈僅在此且文與詩皆公有德
之言美無庸譽獨念我孝皇朝待老臣乃爾拳拳懇懇乞
者與上畱皆再四君臣閒相遇如家人父子真古樸進退
以禮義庶幾所謂有始有終者公得君數禰引災異寓切
諫其諫止李華事真國家大體後開倖門至正德閒如燭照
何其正也得請官一子遣人送兼給驛歸余少時聞人談
弘治閒事躍躍如見唐虞今公一身乃爾他諸大臣殊禮

謙齋文錄

卷八

跋

及孝皇仁厚培養事可勝道哉余徒見紙上卽感激幾爲
公泣人臣拜晉寵極隆重而止爲身家謀者無人心也得
相如公孝皇治天下有以哉臨海王宗沐書于貴縣公署

